

Nr. 2304/22 K (e-k) Prot.
Tiranë, më datë 04/04/2023

Drejtuar: Komisionit Qendror të Zgjedhjeve
Komisionerit Shtetëror të Zgjedhjeve
z. Ilirjan CELIBASHI

Lënda: **DENONCIM Nr. 4** – Lidhur me
zhvillimin e veprimtarisë së
ndaluar nga KQZ-ja, prej
Bashkisë Cërrik në Njësinë
Administrative Gostimë, fshati
Shtermen

I Nderuar Z. Komisioner!

Të nderuar Kolegë të Administratës së KQZ-së!

Me [vendimin nr. 213 datë 28.03.2023](#) Komisioneri Shtetëror i Zgjedhjeve ka vendosur ndalimin e zhvillimit të katër aktiviteteve të raportuara për t'u zhvilluar në datën 30 mars 2023 nga Bashkia Cërrik. Ky ndalim është pasqyruar edhe [në ndërfaqen e aktiviteteve të ndaluara](#) nga KQZ.

Vendimmarrja e KSHZ është bazuar në arsyetimin se nga të dhënat e paraqitura në raportim u konstatua se, “*aktivitetet e zhvilluara nga institucioni publik, Bashkia Cërrik, Ujësjellës Kanalizime Cërrik, me pjesëmarrjen e personave partiakë përbën veprimtari të ndaluar, në kuptim të nenit 91 të ligjit nr. 10019, datë 29.12.2008 “Kodi Zgjedhor i Republikës së Shqipërisë”, të ndryshuar.*”

Në Listën e aktiviteteve të ndaluara sipas vendimmarrjes së KSHZ është edhe aktiviteti:

4. “*Inspektim në kantierin e zbatimit të infrastrukturës publike*”, për t'u zhvilluar në datë 30.3.2023 ora 15:00, me vend të zhvillimit në “Shtermen”, me folës kryesorë: Damian Gjijnuri (Drejtues Politik Qarku), Andis Salla (Kryetari i Bashkisë), pjesëmarrësit: Damian Gjijnuri, Andis Salla, administratori njësisë, komunitet.

Nga monitorimi i KRIIK rezulton se ky aktivitet është zhvilluar pavarësisht ndalimit të vendosur nga KQZ.

Konstatohet se aktiviteti është zhvilluar me pjesëmarrjen e gjithë personave për të cilët ishte bërë njoftimi.

Nga kontrolli i bërë në Faqen Zyrtare të Facebook të Kryetarit të Bashkisë Cërrik, dhe Bashkisë Cërrik nuk figuron ndonjë postim që lidhet me këtë veprimtari.

Address:

Rr. "Ymer Kurti",
Nd.4, H.2, Ap.3,
Nj.Adm.5,
Tirana

Mailing address:

P.O.Box. 2396
Tirana, 1001,
Albania

Ndërkohë që në profilin e Kryetarit të Bashkisë Cërrik z. Andis Salla (profil i hapur, linku: <https://www.facebook.com/andi.salla>) është ri-shpërndarë postimi i bërë nga z. Damian Gjijnuri (më poshtë përmbajtja dhe foto/printscreen e faqes).

“Me Njerëzit për Njerëzit ❤️

Me Andisin në Njësinë Administrative Gostimë në takimin me banorët e fshatit Shtërmën. Diskutuam mbi zhvillimin që ka marrë kjo zonë si pasojë e vëmendjes së treguar nga bashkia si edhe problematikat për të cilat po punojmë dita-ditës për ti dhënë zgjidhje.

#TëBashkuarJoTëNdarë 🇲🇪
#ShqipëriaeArdhmjaJonë 🇲🇪
#SkaKohëPërPushim 🇲🇪”

“Cërrik 🇲🇪 Në Njësinë Administrative Gostimë. Takim me banorët e fshatit Shtërmën për t’u njohur nga afër me problematikat e tyre.


#TëBashkuarJoTëNdarë 🇲🇪
#ShqipëriaeArdhmjaJonë 🇲🇪
#SkaKohëPërPushim 🇲🇪”

Address:

Rr. "Ymer Kurti",
Nd.4, H.2, Ap.3,
Nj.Adm.5,
Tirana

Mailing address:

P.O.Box. 2396
Tirana, 1001,
Albania



Nga konsultimi i faqes së Facebook të Drejtuesit Politik të Qarkut Elbasan z. Damian Gjoknuri, rezulton të jenë postuar [foto](#) dhe [video](#) që faktojnë zhvillimin e aktivitetit të ndaluar.

Fotot mbi këtë aktivitet, të publikuar në faqen e facebook-ut të z. Gjoknuri, rezultojnë se kanë marrë 1200 pëlqime, iu janë bërë 111 komente, si dhe janë ri-shpërndarë 156 herë në faqe apo profile të tjerë të përdoruesve të Facebook. (më poshtë përmbajtja dhe foto/printscreens e faqes)

“Me Njerëzit për Njerëzit ❤️

Me Andisin në Njësinë Administrative Gostimë në takimin me banorët e fshatit Shtërmen. Diskutuam mbi zhvillimin që ka marrë kjo zonë si pasojë e vëmendjes së treguar nga bashkia si edhe problematikat për të cilat po punojmë dita-ditës për ti dhënë zgjidhje.

[#TëBashkuarJoTëNdarë](#) 🍌

[#ShqipëriaeArdhmjaJonë](#) 🇲🇪


[#SkaKohëPërPushim](#) 🚶🚶”

Address:

Rr. "Ymer Kurti",
Nd.4, H.2, Ap.3,
Nj.Adm.5,
Tirana

Mailing address:

P.O.Box. 2396
Tirana, 1001,
Albania



Ndërkaq, **postimi video**, deri në ditën e dërgimit të këtij raporti, rezulton se është parë 10000 herë, ka marrë 3100 pëlqime, i janë bërë 462 komente, si dhe është ri-shpërndarë 146 herë në faqe apo profile të tjerë të përdoruesve të facebook. (më poshtë përmbajtja dhe foto/printscreens e faqes)

“Cërrik 📍 Në Njësinë Administrative Gostimë. Takim me banorët e fshatit Shtërmën për t’u njohur nga afër me problematikat e tyre.


[#TëBashkuarJoTëNdarë](#) 🇸🇰
[#ShqipëriaeArdhmjaJonë](#) 🇸🇰🇷🇸
[#SkaKohëPërPushim](#) 🚶🚶”

Address:

Rr. "Ymer Kurti",
Nd.4, H.2, Ap.3,
Nj.Adm.5,
Tirana

Mailing address:

P.O.Box. 2396
Tirana, 1001,
Albania



Sikurse **KQZ-ja me të drejtë ka vepruar, duke e ndaluar paraprakisht aktivitetin** pasi mund të përbente shpërdorim të burimeve shtetërore për qëllime politike /elektorale, **ka rezultuar se ky aktivitet i ndaluar**, përsa vetë pjesëmarrësit kanë postuar, **sërish është përdorur për të artikuluar fjalime me përmbajtje elektorale**. Konkretisht:

Damian Gjijnuri “*Kryetari i Bashkisë bën punën e vet, mirëadministron taksat e qytetarëve, qeveria e ndihmon me këto investimet e tjera. ...*

Unë dua ta falenderoj Andin për këtë premtim të mbajtur, dhe jo më kot ne e kemi rikandiduar dhe kërkojmë mbështetjen e gjithë fshatit për këtë djalë, sepse ky e ka treguar me vepra. ...

Ky nuk është vetëm, ky ka edhe Qeverinë e Edi Ramëss nga mbrapa që e mbështet, më ka mua, ka edhe deputetin, Çimin, që e keni edhe atë djalin tuaj, njohës i mirë i zonës. Pra jemi një ekip politik i plotë , nuk jemi thjesht një individ. Këtu është një ekip i plotë politik që do të bëjë më të mirën për Cërrikun dita - ditës.”

Për gjithë sa më sipër, **KRIIK denoncon me ashpërsi këtë sfidë të zbatimit të ligjit dhe Institucionit të KQZ-së** prej aktorëve të përfshirë në këtë aktivitet.

KQZ-ja nevojitet të përmbushë sa më parë detyrimet dhe përgjegjësitë e saj konform parashikimeve ligjore të Kodit Zgjedhor dhe të Vendimit nr. 9, datë 24.12.2020 “Për rregullat për raportimin e veprimtarive me karakter publik të institucioneve publike, agjencive dhe/ose ndërmarrjeve shtetërore, kategoritë e veprimtarive të ndaluara, si dhe monitorimin e veprimtarisë, sjelljes dhe përdorimit të burimeve njerëzore, financiare dhe logjistike të administratës shtetërore para zgjedhjeve”, nenit 9 e 10 të tij.

Në gjykimin e KRIIK, **KQZ-ja nevojitet të tregojë ashpërsinë e ligjit ndaj atyre që e sfidojnë atë**, nga njëra anë, si dhe **funksionalitetin e mekanizmit të ndërtuar pas**

Address:

Rr. "Ymer Kurti",
Nd.4, H.2, Ap.3,
Nj.Adm.5,
Tirana

Mailing address:

P.O.Box. 2396
Tirana, 1001,
Albania

reformës zgjedhore të vitit 2020 **për të parandaluar abuzimin me burimet shtetërore**, nga ana tjetër.

Një qëndrim pasiv, apo interpretues ndaj ligjit duke ndëshkuar punonjës të thjeshtë të administratës së bashkisë, nuk është gjë tjetër **veçse një dritë jeshile për anashkalimin e ligjit, dhe zhbërjen përfundimtare të tërë mekanizmit parandalues të ngritur.**

KRIIK ju risjell në vëmendje të Nderuar Kolegë të KQZ-së se, në fund të fundit, tërë rregullimi i bërë dhe mekanizmi i parashikuar duke nxitur një ndërveprim të kaq shumë institucioneve me KQZ-në, **ka si qëllim parësor, ndalimin paraprak të tij**, jo vetëm në emër të parimit të barazisë së armëve në garë, por **në rradhë të parë për të ndaluar dhe shmangur çdo formë të drejtimit të votës apo intimidimit që mund të bëhet nga njerëz të veshur me pushtet politik apo institucional.**

Ndaj shihet me vend një qasje më proaktive dhe parandaluese e KQZ-së, veçanërisht në raste të tilla, duke mos u mjaftuar thjesht me adresimin e shkeljes, pasi dëmi të jetë bërë.

Në gjykimin e KRIIK, **KQZ-ja nevojitet të sanksionojë përpos titullarëve vendorë edhe subjektin zgjedhor Partia Socialiste e Shqipërisë**, e cila është përfituesja kryesore nga ky aktivitet i ndaluar (neni 172 pika 1), ndërkohë që një zyrtar i lartë i saj, **Sekretari i Përgjithshëm z. Damian Gjikhuri**, njëkohësisht Deputet, është edhe bashkëautor në këtë moszbatim të ndalimit të bërë prej Institucionit të KQZ-së.

Gjithashtu, përpos sanksionimit konform parashikimeve ligjore, **nxitet KQZ-ja t'i dërgojë një informacion të detajuar mbi këtë ngjarje Kuvendit të Shqipërisë, për thyerjen e Kodit të Sjelljes nga Deputeti z. Damian Gjikhuri.**

Duke ju falënderuar edhe njëherë për mirëkuptimin dhe bashkëpunimin në vazhdimësi,

Me konsideratë,

***Për* Koalicionin Për Reforma, Integrim
dhe Institucione të Konsoliduara (KRIIK)**

**Premto Gogo
Kryetar**

Address:

Rr. "Ymer Kurti",
Nd.4, H.2, Ap.3,
Nj.Adm.5,
Tirana

Mailing address:

P.O.Box. 2396
Tirana, 1001,
Albania